

# Pour Messire Bertrand Plouier

Cheualier Conseiller du Roy, & premier President en la  
Chambre des comptes de Dauphiné, & Dame Claude Buliond  
fille & heritiere par benefice d'inuentaie de feu maistre An-  
thoine Buliond, demandeurs & appellans des criees, vente  
& adiudicatiō par decret faict sur Jacques & Sanson le Gay:  
Contre Scipion Sardini gentilhomme Lucquois defendeur &  
intimé.



La maison dont est question au procez est  
suffisamment verifiée par ledit procez, auoir  
appartenu audit feu Anthoine Buliond, & a  
l'appellante comme son heritiere par benefi-  
ce d'inuentaie en ce que feu Pierre le Gay  
(des heritiers duquel l'intimé dit auoir droit  
par contract de pretendue acquisition de l'an  
1577. & en consequence duquel acquest s'en ensuiuit le decret dōt  
est appel) a faict saisir & mettre en criees sur l'appellante ladiete  
maison à faulte de payment d'une somme qu'il pretendoit luy  
estre due. Et de faict l'intimé ne denie point que ladite maison  
n'ait appartenu à l'appellante: *id vnum ait* que les heritiers dudit  
le Gay ont icelle maison ou acquis ou prescrit sur l'appellante.

Acquisition n'y eut iamais: aussi n'en mōstre on aucune: prescri-  
ption n'a peu courir: *primò quia vitium erat in re*, la maison faisie &  
mise en criees, & dont *causa continua est*, *quia rem afficit*, & sic elle  
estoit faicte *pignus pratorium*.

Deinde *mala fides* fuit de la part dudit Pierre le Gay premier de-  
tempteur, & pretendu possesseur: lequel apres auoir faict saisir &  
sic deumēt aduertit *rem esse alienam*, a brisé & interuertit ladite faisie,  
& s'est emparé de ce qu'il scauoit ne luy appartenir. *At possessionis  
iniustum initium heredi & bonorum possessori nocet etiam ignoranti §. diuina  
possessio. Instit. de vsuc.* Et l'intimé recognoist que Jacques & San-  
son le Gay, l'un frere & l'autre fils naturel dudit Pierre saisissant,  
ont succedé *ex testam.* audit Pierre, *idē vitia possessionum à maioribus*

A





*contracta perdurant, & successorum auctoris sui culpa comitatur*, & par ce moyen ils ont continué tousiours ceste mauuaise foy.

Vltimò cessant le vice reel & la mauuaise foy des dete npteurs, la pretenduë possession n'auroit peu courir sinon depuis l'an 72. que l'appellante a esté faicte maieure. D'ailleurs l'appellante est demourante en Daulphiné, & sic absente de paris. Faudroit donc vingt ans de prescriptiō. Or depuis 72. iusques en l'an quatrevingt cinq, qu'on a intenté le procez, n'y a que treize ans.

Le vice reel, & la mauuaise foy perpetuelle desdits le Gay, resulte de la saisie & crieies faictes à la requeste dudit pierre le Gay & du procez pendant au Parlement de Paris, sur l'appel interiecté par le tuteur de l'appellante de deux sentences des requestes, l'une de l'an 54. l'autre de 55 par lesquelles on auoit declaré lesdits crieies bien faictes. Item qu'il seroit passé outre à l'interpositiō par decret d'icelle maison auquel appel auoit esté conclud par ledit tuteur en l'an 56. griefs fournis par luy & responses à griefs par les intimez. Ergo l'appel desdits deux sentences en estat. A icelluy fut ioint vn incident de lettres, sur lesquelles vn autre & troisieme tuteur de l'appellâte fut appellé, avec lequel en l'an 60. y eut reglement sur lesdites lettres, depuis y eut arrest de communication des productions en l'an 62. tost apres forclusions obtenues, & depuis credits fournis & a'uations.

Tellement que voilà ledit appel conclud & instruit, & l'instance de lettres incidentes à icelles entierement en estat, & par ce moyen l'un & l'autre hors de toute peremption, & par consequēt toute ceste procedure iusques à huy autant bonne comme elle estoit en la fin de l'annee 62.

Toutesfois se treuve que lesdits Pierre le Gay & sesdits heritiers Sanson & Jacques le Gay occupoient icelle maison dès l'an 68. & deslors en feirent bail à l'intimé, ce qui argue que ledit Pierre le Gay a luy mesmes brisé sa saisie, rompu son establissement, & s'est ietté dans ladite maison, *tangum prædo*, imò il est de pire condition: car sa spoliation est publique, *ut quia pignus erat prætorium*.

Faict à noter que ledit procez mis en estat dès l'an 62. Mercier troisieme tuteur de l'appellante mourut, elle d'ailleurs estoit au pais de Daulphiné. faut donc que ceste spoliation & ysurpation faicte par lesdits le Gay soit aduenue depuis ledit arrest interlocu-





toire de l'an 62. iusques en 68. que l'intimé cōme inquilin desdits spoliateurs y entra prenant aduantage sur la minorité lors de l'appellante, sur la mort dudit tuteur, qu'elle estoit destituee de defendeur, & sur ce qu'elle estoit absente & en Daulphiné.

La verité est que l'intimé quelque enuie qu'il eust de ladiète maison, sçachant tout ce que dessus, ne la voulut achepter du cōmencement: en fin estimant que la memoire de tout le passé seroit abolie, achepre desdits le Gay icelle maison par contract du douziesme Ianuier 77. avec stipulation qu'elle seroit decrettee.

Pour à quoy paruenir deslors dudit cōtract lesdits le Gay supposent deuoir cent liures audit intimé, & luy en passent obligation, en vertu delaquelle il faict crier ladite maison, la faict encherir par personnes supposees, & à icelles personnes la faict adiuger, qui tost apres l'adiudication declairent auoir le tout faict & encheri pour & au nom de luy.

Contre la demande en reiuendication intentée par les appellans contre ledit defendeur & intimé, il excipe dudit decret: les appellās dient que ledit decret est cōuētionel, cōtractuel & collusif, lequel est bon entre les cōtractans & ceux qui sy sont opposez, & y ont voulu deduire leurs droit. Mais que n'estāt necessaire & vrayment iudiciaire, *ius non facit quod ad omnes.*

En dernier lieu appellent dudit decret & pour leurs moiens d'appel cōtrent en la substāce & en la solemnité plusieurs moyens de nullité.

Pour la substance dient que la faisie & crieies dudit Sardini intimé n'a peu proceder ny subsister en aucune façon, attendu les crieies premieres rapportées & certiffices, sur lesquelles par autre sentence auoit esté dict qu'il seroit adiugé, dont y aiant appel, l'appel conclud, instruit & en estat comme dict est, & ces deux appellations nullement peries ains perpetuellement soustenues: cela estoit vn obstacle si fort & si ferme, que tout ce qui est ensuiuy au contraire & preiudice est nul de toute nullité. Car il faillloit pour faire adiuger ladite maison, poursuiure ledit procès & n'y auoit autre voie en nature, & neantmoins parce que voyes de nullité n'ont lieu, on en a appelle.

Quatre nullité cōtre la substance du pretendu decret. Qu'il n'a peu proceder n'y subsister.

L'intimé dict que les crieies sont demeurées peries, par ce que le procès de crieies estoit pendant aux requestes, & qu'il n'y auoit



qu'une instance d'opposition pendente audict parlement nō perie.  
*fallitur* : car l'appel desdites deux sentences estoit l'appel du pro-  
ces de criees & de ce qu'on auoit ordōné qu'il seroit passé outre  
à l'adiudication. Et de faict ledit proces de criees est encores pen-  
dant audict Parlement prest d'estre iugé:& quoy que l'opposition  
iugee ait donné cause à l'appel, si est ce que l'appel est de l'inter-  
position sur lesdictes criees:& cest appel iuge les criees, lesquelles  
sans iceluy ne peuuent proceder. L'incident de lettres concerne  
l'opposition,& neantmoins estant joinct au proces d'appel de la  
sentence d'interposition,c'est tousiours le proces de criees,qui par-  
tant est soustenu & exempt de peremption, puisque ledit appel  
& ladite instance d'opposition estoient en estat dès l'an 63.

Subordinement & sans se departir de ladite nullité, dient les  
appellans l'on a saisi, crié & decretté *super non domino* : car  
parce que dessus ladite maison appartient à l'appellante cōmq  
heritiere de sondict pere, mesme elle a esté recogneuë dame de la  
porprieté. Si on respōd qu'il se falloit opposer au decret, on repli-  
que qu'il n'estoit besoyn,veu q̄ le saisi n'estoit propriétaire pour le  
tout ny pour partie de l'heritage crié: car ladite nullité deduite par  
appel concerue le vray propriétaire principalement *cū subest iusta  
causa absentia & ignorantia, ut hic* où l'appellante notoiremēt demeure  
en Dauphiné: Dailleurs n'a encores peu auoir cōpte aucū des trois  
tuteurs qui ont manié son patrimoine, & ne sçait enquoy il cōsiste:  
*quæ causa non tantum iusta est sed necessaria*, pour laquelle on ne s'est  
peu opposer.

Si on dit qu'il suffit que on ait crié sur le possesseur, faut distin-  
guer *si iustus & legitimus possessor*, nempe qui per *decennium bona fide pos-*  
*sedet, quia tunc dominus est: diuersum* si vn possesseur est iniuste ou sans  
cause. Or la possession pretendue de la part desdictz le Gay est vne  
vsurpation iniuste,& de mauuaise foy, qui a empesché toute pre-  
scription comme dict est.

D'ailleurs ce seroit fauoriser lesdits le Gay (qui sont pires que  
voleurs) d'auoir esgart à leur possession, & eux seulz profitent  
de leur delict: car l'intimé apres que le decret sera cassé retirera ce  
qu'il a cōsigné,& pour le surplus de l'adiudicatiō demeurera des-  
chargé, *illi satis perspectū*, & neantmoins sa mauuaise foy d'auoir sceu  
ladite maison n'appartenir ausdits le Gay, son dol & sa collusion



au faict de l'adiudication pour frustrer l'appellante de son patri-  
moine, ne permettoient qu'il eust repetitiō de ce qu'il y auroit mis.

L'article lxxx. de l'ordonnance de l'an 1539 avec autres articles  
de la mesme ordonnance est abrogé par Edit d'abrogation expres  
en Feurier 1549. verifié en Mars ensuiuant, ainsi ne s'y fault arrester.

En troisieme lieu dient les appellas qu'en consequence de ce  
qu'on a crié *super non domino*, se treuve que la saisie de l'intimé, ses  
criees & son adiudicatiō sont faictes: *pro non debito*, qui est la plus  
grande nullité qui soit en la substance de criees, imò quand y auroit  
eu opposans pour debtes deües, par l'appellante, que nō, elles sont  
nulles, *l. cum vnus D. de bon auct.*

En quatriesme lieu dient que ceste nullité *pro non debito* est,  
autant à l'égard desdits le Gay que de l'appellante, d'autant que  
l'obligation en vertu de laquelle on a crié est supposée. Pour preu-  
ue de ce fault considerer le contract de pretendue vente d'Auril  
77. car on trouuera qu'on a faict vn vendeur estre debteur au  
lieu qu'il doit estre le creancier, partant on a crié doublement  
*pro non debito*.

Les nullitez en la solénité sont, *primò* qu'il n'y a point eu de saisie: *Six nullité*  
car estant la saisie premiere de l'an 1550. iugee bonne par senten- *du decret*  
ce dont y auoit appel, mis en estat d'estre iugé, & par ce moyen en la so-  
estant ceste confirmation soustenuë iusques à huy, autre saisie n'a *lemmé.*  
peu proceder, car saisie sur saisie n'a lieu, & falloit faire iuger  
ledit procez.

*Secundò* n'y a eu effectuel establissement de Commissaire, car le  
Commissaire nommé Pierre Vimont est vn seruiteur de l'intimé  
qui n'a iamais iouy ny depossédé le faisi, & de faict l'intimé pé-  
dāt le cours de ses criees a tousiours cōtinué le loüage qu'il auoit  
desdits le Gay, & ne monstre aucun bail iudiciaire: luy mesme  
donc estoit intracteur de sa saisie, ce qui estoit prohibé par l'or-  
donnance, voila la collusion.

*Tertiò* la pretendue saisie n'a esté signifiée au seigneur propriétaire  
du fonds faisi, qui est l'appellante, ains à vn supposé propriétaire.

*Quartò* l'appel de la certification & sentence d'interposition cō-  
clud, & en estat dès l'an 63. a empesché que le Preuost de Paris pen-  
*dence diuinati ne* sur lescdites appellations ait peu donner autre sen-  
tence d'interpositiō, car c'est vider ledit appel.



Quintò par l'ordonnance faut faire commandement au propriétaire de payer, pour le constituer en demeure, n'y a eu commandement aucun fait aux appellans seigneurs de la propriété. Item le propriétaire doit estre adiourné pour bailler moyens de nullité, & voir interposer le decret, n'y a eu assignation donnée ny signification quelconque faite aux appellans, *quod notandum*: car si cela eust esté fait, on ne plaideroit point: *sibi ergo imputer*. l'intimé, luy qui a sceu qui estoient les seigneurs, *saltem* s'en est deu enquerir, & à ce n'y a responce aucune.

Ultimò l'adiudication a esté faite entre Jacques Sardini nepueu de l'intimé, & trois autres Bocquet, Hinsselin & Geslin, personnes par luy supposees par leur propre declaration. De sorte que *sub imagine alterius personæ* (nempe comme inquilin desdits le Gay) *rem iugiter tenens* (car il detenoit la maison) *eandem rem per subiectas personas comparauit, neque sibi addici voluit: quo casu præiudicium alteri non fecit, imò nec alienasse videtur l. ei qui sub imagine C. de dist. pig.*

Partant est demeuré le droit de propriété aux appellans sauf & entier, nonobstant ladite pretendue adiudication, & du moins par le benefice de leur appel doit estre telle collusion & fraude renuersee, & eux remis en leur droit. Et ne peut estre alleguee *fiscalis hæstæ solennitas*: car le decret n'est solennel ni vallable, *neque venditio iudicialis valet nisi sincera fide, iusto pretio solenniter comparata sine prædia: l. si prædia C. si adu. pub. pens.*





Ledit Sardini voiât le procez sur le bureau, par requeste met en auât deux faits l'un que le tuteur ou curateur de l'appellante auoit baillé audit Pierre le Gay ladite maïso en payemēt de sa debte de seize cēs escus, adioustē & *falso* que ce contract a esté diuertī & retirē par lesdites appellans: l'autre, que les appellans ont scē le decret pour suiuy par ledit Sardini, & demande estre receu a en faire preuue.

Les appellans dient que ces faicts quoy qu'ils soient tresfaux ne sont aucunement receuables *vt quia* nullement releuatoires.

Quant au premier il est certain que *tutori aut curator non licet pradia minorū sine decreto alienare vt quia id senatusconsulto interdictum textus in l. si quidem & tot. tit. C. de prad. & al. reb. mino. & si pater idēque curator alienauerit l. 3. d. 1. ergo neque in solutum dare licet*, le texte dit que *hoc casu dominium à minore discedere non permittit senatusconsulti auctoritas si minor. d. 1.*

Il y a plus car estant le propre de l'appellante vne fois saisi mis en criees & prest d'estre adiugē *palam & publicē* il n'estoit aucunement en la puissance du tuteur s'entendant avec le creancier du mineur rompre la saisie & faire telle remise & *in eo duplex culpa quia prohibitioni senatusconsulti accessit dolus & fraus tutoris cum creditore.*


Entroiesme lieu sur la position du faict dudit intimé faudroit que le tuteur eust baillé ceste maison *vti rem pupillarem*, & que Pierre le Gay *sciens, eam vti pupillarem comparauisset at hoc casu de tēporis intervallo nullam potuit acquirere defensionem textus in l. 1. C. si quis ign. rem esse min. sin. decre. comp. ad quid ergo* allegue on le faict d'un contract qui ne peut seruir?

Ne peut nuire la restitution dans les dix ans: car estant cela reconnu n'estre du faict desdits appellans qui au contraire l'ignorent encores (comme de faict lesdits tuteurs n'ont iamais rēdu compte ny laissé aucuns heritiers apparens pour le rendre) les dix ans ne pourroient courir *nisi à die notitia.*

Quant au faict de suppression dudit pretendu contract, *falsissimum*: l'appellant est demourāt en Daulphinē n'eust iamais cognoissance aux heritiers dudit Pierre le Gay au contraire l'intimé les manie à sa poste & à contractē avec eux & *certus esse debuit conditionis illorū & iuris quod habebant, imò par son contract il a stipulé d'eux que on luy rendroit tous les tiltres de ladite maison ergo il deuroit auoir ledit contract s'il y en auoit aucun; non alleguer suppression, faict digne de l'inuention dudit intimé & dont on protestē auoir reparation.*

Reste l'autre faict de science qui pareillement n'est reuelatoire, *primo* on argue la science de l'appellant seul, or la maison dont est question *fundus est dotalis & patrimonium* de l'appellante sa femme qui ne le peut perdre, *ob mariti scientiam* & laquelle n'a iamais bougé de Daulphinē.

Deinde estant chose certaine que le procez de criees conclud & en estat au Parlement de Paris ne pouuoit perir, lesdites criees & sentences d'interposition par decret subsistoient au preiudice desquelles n'estoit pas en la puissance d'aucune personne de faire nouuelle saisie & donner cours à nouuelles criees & nouveau decret, atque *super non domino. scientia* desdits appellans n'auroit peu nuire à leurs droits *vt quia (hoc dato non concessio) sciuerunt inra sua sibi semper durare per textum in l. sicut §. non videtur quib. scientia autem differt à consensu.*





faulthim pol  
Bernard Ployer en la femme  
Cours. Scripps sardiny.